

مجموعه ابو الخیر

ماسوا شایه سندن دلی تطہرہ پالش
بر تو حکمت و عرفان ایہ دورہ آتش

علوم و معارف دین بحث ایدر. و ہر ماہ عربی ابتدائیلہ اون بشدہ نشر اونور مجموعہ در.

عدد ۲۶ - جلد ۳ [فی ۱۵ محرم سنہ ۱۳۰۰] [نسخہ سی ۳ فروش]

ازمنه قديمه اقوامك كافه سی یعنی مصریلر، آثوریلر، وایرانیلر ده
شمسیه استعمال اولتوردی . شو قدر که زمانزده اولدیغی کی عمومی اولیوب
خواصك جمله امتیازانندن ایدی . برده شمسیه لری افندیلرینك باشنه کولهلر
ویا خدمتکارلر طوتار ایدی .

یونانیلر ایله رومالیلر شمسیه نك اکتسا ایلدکلی البسه ایله توافق
ایتمدیکنی نظر دفته آله لرندن شمسیه قوللانغه رغبت کوسترمامشیلردر .
باخصوص روما کهراسی اسواق و بازارده دائماً (سیدی) یه را کب
اولدقلرندن شمسیه طاشیق کافتندن وارسته ایدیلر .

شمسیه فرانسه وانگلتریه واوروپا نك بلاد وسطا سنه اون آلتینچی
عصر میلادیده داخل اولمشدر . کتیرنلر ایسه هند طرفلرینه سیاحت
ایدنلر ایدی .

اون یینچی عصرده فرانسه وانگلتره ده اشیای نفیسه دن معدود
اولان شمسیه نك اعمانه فوق العاده خواهش کوسترلمشدر . فقط اوزمانلرده
یایلان شمسیه لر غایت جسیم وقبا وهر درلو لطافتدن مبری ایدی . الیوم
لوندره وپارس موزهلرنده او عصرک معمولاتندن نمونه اوله رق محفوظ
بولان شمسیه لرک بو کون عینی یایلویده آنکله بریمی سوقاغه چیقه جق
اولسه عموماً شهر خلقتک کندیسنی تماشایه چیقمسی واستعمال ایدنک مسخره
روزکار اولدیفته حکم ایتسی مقرردر . زیرا بونلر بر بچق متره طولنده
غایت قالین دکنکره کچیرلش و آچلدقلری زمان اوچ بچق متره محیطنده
شیلر ایدی .

اوزمانلر هر عالمه بر شمسیه یه مالک اولوب پدردن اولاده انتقال ایدر
ایدی . شمسیه لرک شمیدیکی طرزده تحویلنه ایسه بوندن بر عصر مقدم (۱۷۸۰)

مبادرت اید لمشدرد. فقط قرق سنه اولکی شمسیدردخی بوکون بزه کتیریله جک ویا برینک النده کوریله جک اولسه کرک طرزینه وکرک استعمال ایدنه کولمکدن کری طورهمیر.

قادینلر شمسید استعمالده بوعصرك اوائلنده باشلادیلر. مملکت مزده ایسه بوندن یکریمی بش سنه اول بیکده بر شمسیدلی خانمه تصادف اولغزایدی. ارککلر ایچون شمسیدنک ایکی حالت استعمالی واردرد. بری کونشده دیکری یاغمورده حتی فرانسز لسانده (پاراپلوئی paraplui) یعنی سپر باران (مطریه) و (پاراسول Parasol) سپر شمس (شمسید) ناملریله یکدیگرندن تفریق ایدرلر. قادینلره کلنجسه الیوم آنلر ایچون لوازم ظرافتدن اولمشدرد. کولکده، کونشده، قارده، یاغمورده دخی قوللانیرلر.

مکارم اخلاق

محبوسک اوغلی

هر نه حالده اولورسه اولسون بر پدرک اولادینک قلوبی اوزرینه اولان نفوذی هیچ بر وقت تمامیه زائل اولمز.

مدنیت غریبه زما تمزده واصل اولدیغی منزله ترقیه بر خیلی بعید مسافدهه ایکن اوروپانک اکثر ممالکنده محبوسینی خدمات شاقدهه استخدام ایتمک نظامات اساسیه دن ایدی.

۱۷۸۷ سنه سننده ویانه حبسخانه عومیسنده بولنان محبوسلردن بر طاقی برکون معتاد اوزره سوقاقلری سمپوروب تمیرلمکله مشغول ایکن اوستی باشی تمیر بر دلیقانیلی محبوسیندن برینک نزدینه تقرب ایده رک فرط حرمت ورعایتله الی او پر.

اوصرهده ارباب اصالتدن بر ذات اوینک پنجره سندن دلی قانلینک واقع اولان حرکتی مشاهده و تعجب ایتسیله در حال خدمتکارلردن بریله کندیسینی حضورینه جلب ایده رک شو وجهله خطاب ایدر :